

## Herceg i Bešlić Vladi FBiH i Vladi RH uputili apel za spas Aluminiija

03.07.2019 15:42



Predsjednik Vlade Hercegovačko-neretvanskog kantona Nevenko Herceg i mostarski gradonačelnik Ljubo Bešlić uputili su apel Vladi Federacije BiH i Vladi Republike Hrvatske, kao većinskim vlasnicima Aluminiija d.d. Mostar, za žurnim djelovanjem kako bi se osigurao opstanak Aluminiija d.d. Mostar.

"Neprijeporna je činjenica kako ste vlasnik elektroprivreda HZ HB i BiH, čiji se djelatnici, proizvodni pogoni, objekti i postrojenja nalaze i na prostoru grada Mostara i HNK, a uz to ste i vlasnik 44 posto udjela odnosno dionica Aluminiija d.d. Mostar. Upravo zbog tih činjenica, od Vas i očekujemo i tražimo da žurno, u saradnji s vodstvom Aluminiija d.d. Mostar, konačno pronađete kvalitetno i dugoročno rješenje za njegov opstanak i nesmetani rad i razvitak", navodi se u apelu.

Herceg i Bešlić navode kako bi gašenje Aluminiija imati nesagledive posljedice ne samo radnika te kompanije već i za cijelu Federaciju BiH.

"Dobro Vam je poznato da oko hiljadu radnika Aluminiija sa svojim porodicama, te mnoštvo što posrednih-što neposrednih saradnika i partnera, čini na hiljade onih koji ne samo u gradu Mostaru i HNK-u žive od Aluminiija. Ne radi se, dakle, samo o platama i drugim naknadama, nego o redovitim izdvajanjima Aluminiija d.d. Mostar za niz fondova, prije svega za penziono-invalidsko, zdravstveno, socijalno osiguranje i druga, čijim bi gašenjem bila ugrožena šira društvena zajednica. Ne bježeći ni od odgovornosti, niti od ovlasti koje imamo, kao ljudi koji predvodimo grad Mostar i HNK, pri tom shvaćajući i Vašu poziciju, držimo kako ste u ovom procesu najodgovorniji čimbenik u sustavu vlasti unutar cijele BiH, poglavito stoga što doista u svojim rukama imate znanje, vlast i rješenje za ovaj golemi

problem koji može prouzročiti nesagledive negativne posljedice", poručili su čelnici ljudi Grada Mostara i HNK-a.

Generalni direktor Aluminijske industrije Dražen Pandža izjavio je na današnjoj konferenciji za novinare kako je bitka za Aluminij izgubljena te da će mostarska tvrtka, po svemu sudeći, u petak u ponoć ugasiti svoje pogone i prestati s radom.

(FENA) R.G.

<http://www.fena.ba/article/1094623/herceg-i-beslic-vladi-fbih-i-vladi-rh-uputili-apel-za-spas-aluminijske-industrije>